

Christliche Tauffpredigt.

andächtiger von vns möge verrichtet werden/ so last vns den lieben Gott vmb seine Hülffe vnd Beystand demütiglich anrufen/ daß wir solches Werk auff vnserer seiten Christlich/würdiglich vnd wol verrichten. Darneben auch den lieben Gott bitten/ Er wolle ferner das Adelige Kind ihm lassen befohlen seyn/ seine Gnade vnd Segen verleyhen/ daß es lange zeit frisch vnd gesund sey/ gros/ fromb/reich vnd selig werde / Die Adelichen Eltern auch beneben ihren andern Adelichen Kindern/ bey langen Leben/bestendiger guter Besundheit/ bey aller glücklicher Leibes vnd Seelen wolfahrte erhalten/ vnd gnade verleyhen/ daß sie beneben den andern auch dieses ihr Töchterlein gros vnd wol erziehen / vnd an ihnen allen auch hier auff dieser Erden/viel Ehr vnd hertzliche Freude erleben mögen.

Das gebe Gott die heilige Dreyfaltigkeit/
Gott Vater/ Sohn vnd heiliger Geist/ welchen
sey Lob/ Ehr vnd Majestet gesagt / von
Ewigkeit zu Ewigkeit/
Amen.



TEXT